

مدیری: ابن السری
احمد جودت



مؤسسی: ابن السری
مصطفی نامق

آشیان

ادبی، علمی، سیاسی، اجتماعی، فنی، اخلاقی هفته‌لق مجموعه در

پنجشنبه

برنجی جلد

نومرو ۱۳

برنجی سنه

۱۶ ذی القعدة ۱۳۲۶

۲۷ تشرین ثانی ۱۳۲۴

مهرسز نسخهلر ساخته‌در



استانبول

محل اداره‌سی: جفال اوغلنده دائرة مخصوصه

آرتین آصادوریان مطبعه‌سی

۱۳۲۴



— ما بعد —

او ، باشيله رد ایدهرک :

— خیر ، دیردی . بن حس ایدیورم . اونک مطلقا بردوشونجهسی وار .
کورمیورمیسکز ؟ برقاج آیدن بری حالنده بردورغوناق وار . یانزه بیله کلک
ایسته میور . . اوللری و داد ، بویه می ایدی ؟ . . .

سری بک کوله رک :

— آمان خاتم . دیردی . نه تحفیسک ، نه لرده دوشونورسک ! چاقینک
وله سپیده بینمکدن باشقه نه دوشونجهسی اولور ؟ . . .

برکون کزیده خاتم ، و دادک جیلرینی قاریشدررکن اوفاقی بردفتر بولدی .
بردن دماغنده دوغان بر فکر تجسسله بونی کوزدن کچیرمکی دوشونندی . دفترک
باشنده قالین بریازی ایله (روزنامه تحسسام) سرلوحه سی کورونجه بوفکر
تجسس دها زیاده قوت بولدی .

خلجاتی تسکین اتمک ایچون قلبی تضییق ایدهرک اوداسنه قوشدی . ودفتری
باشدن نهایتنه قدر بر هیجان عصبی ایچنده اوقودی . بونده : اوقیزه نصل
تصادف ایدلیدیکندن ، اونک بی رحمانه استغفالرندن و بوکا قارشى کنديسنک
تأثرلرندن ، کوز یاشلرندن ، صبا حله قدر اویقوسر کچن بحرانی کیجه لرندن ،
بوتون او برکنج روحنک تطمین ایدلمه یین تحسسامت الیمه سندن بحث ایدیایوردی .
کزیده خاتم . بوتون بو بر روح کرمانک ، بروالده قلبنده جکرسوز یاره لر

آچان فریاد نالشکارینی مریض و حساس برقادین رقتیلہ او قودقچہ کوزلرینی بر دومان بورو یور و جگر پارەسنک بوتون المارینہ اشتراک ایتک وبروالده ایچون واقف اولمق ایجاب ایدن بواسراره کسب اطلاع ایتک احتیاجیلہ بر قاچ کرەلر بایلاجق بر حاله گلشکن متانتنی محافظه یه چالیشارق بوخزینہ اسراری نهایتہ قدر تعقیب ایتک ایستئوردی . دفتربیتوبده نهایتده و داد بهجت اضاسنی کوردیکی زمان بوتون کائنات یینک ایچینده آلت اوست ارلدی . دیمک و داد بریسی سه وییوردی . هم کندیسیلہ ازدواجی ممکن اولمایان بر قزی، ژولیده بی . . .

کزیده خانم بوراده کندیسینی ضبط ایده یه رک اولادینک اندیشه خرابیتیلہ درین بریأس مصیبت ایچینده هونکور هونکور آغلادی . . .

اقشام اوستی اسماعیل سری بک ، قشەدن عودت ایتدیکي زمان اونک ؛ اطرافنده . درین براندیشه نك مظالم هاله لرله اغلامقدن قزارمش کوزلری ، بر هیجان فوق العاده نك پریشانیتلرینی حس ایدەرك در حال صورەمشدی :

— نه اولدك خانم ؟ سنی بو کون آغلاش کوریورم . .

او، آراق یکریمی سته لك بر حیات رفاقتك بر زوج ایله زوجه آراسنده بوتون علاقەلری برلشدیرن مشارکت روحیه سیله اونك الك بسیط بردالات نكاهندن بواطنی کشف ایتکده کوچك چکمز ، برخسته نك علام و جهبه سندن ماهیت مرضیه یی استدلال ایدن صاحب رسوخ بر طیب خدایتیلہ اونك الك کیزی تأثرلرینی تشخیصده اصلا آلدانماز اولمشدی . بوـئال اوزرینه ذاناً آلام درونی دوکە احتیاجیلہ آغلامق ایچون وسیله آرایان کزیده خانم، شمدی کوزلرندن بوشانان یاشلره ده سربست بر جریان ویره رك خچقەرە خچقەرە آغلامغه باشلادی .

اسماعیل سری بک ، بوندن برشی اکلا یامایان متحیر نظرلرله اوکا بافارکن او، جینندن دفتری چبقاره رق اوزاتدی . وکسیک شهقه لر آراسنده :

— آلكز، باقكز . . و داد آلدن کیدیور . . دیدی .

اسماعیل سری بک ، قلبنده اوفاق بر خاجانله و دادك آلدن کیتمه سنه سبب اولان بو شیئك نه اولدیغنی مراق ایده رك دفتری آلدی . وسدیرك بر اوجنه

ایلدیشهرك كوزلرنده برشعله تجسسله بوكتاب اسراری او قومغه باشلادی. كزید خانم، برشی سویلمیهرك آئنده بر مندیله ایله كوزلرینی سیلیور و زوجنك، شمدی دوداقلرنده آجی برتسمله بایرن معنای اندیشهی كوزقویروغیله تدقیق اییدیوردی، اسماعیل سری بك، آئندهکی دفتری بتیردكدن صوكر ا قارشیدینه نناك كوزلریله كندیسندن اوغلی ایچون برچاره سلامت بکلین بوخته والدینی تسلیه ایتك ایچون بردن طورینی دكیشدیرهرك لاقید داورانقی ایسته دی :

— بونده كدر ایده جك، آغلایه جق نه وار؟ و داد برنی سه وییورمش. اولایلیر یا. كنجلك حالی بو. بر آز دها ایلریله یه جك اولورسه الهك اسریله قزی كیدر پدردن ایسترم. . . دیدی. فقط بونی سویلرکن حالنده او یله بردورغونلق واردی که بومسئله یه قارشى تمامیه لاقید فلقده صعوبت چكیدیكنه دلات اییدیوردی، صوكر ا علاوه یه لزوم كوردی :

— هم باقلم، دیدی. مسئه ظن ایتدیكمز قدر اهمیتلی می؟ یوقسه كنجلكه مخصوص برمبالغه حسیه دنی عبارت؟ . . بن اونى بوانشام اكلام. . . كزیده خانم، زوجنك بو درجه ده لاقیدلكنه حییرت ایدهرك دوکش قالمشدی. صوكره بردن فوران ایتدی :

— ذاتاً سز اوله سکنز. سزك ایچون هرشی اهمیتسز؛ هرشی بره بالفه دن عبارت. . هیچ دوشونمورسكنز که اولادیکزك اوغرا دینی مدهش بر فلاکتدر. بوکا نه كوزلده برچاره بولیورسكنز. کیدوب پدردن ایستهمك. . باقلم اونلر قیزی ویریورلرمی؟ اونى كوچوك ایکن هموجه سنك اوغلنه نشانلامشلر. . هم ژولیده الله بیلیر اما و داددن بویو كدر. و داد اوکا آبالمی دیه جك؟ . . اسماعیل سری بك در حال لاقیردی بی كسهرك :

— جانم نیچون بو قدر تلاش اییدیورسك؟ قیزی همان طوتوب اوه كتیرمده یا. . دور باقلم مسئله یی برکره آدام عقللی آكلایلم. یا بودفتر علی العاده بر حکایه قیلندن یازلمشسه. . .

اوزمان كزیده خانم، بر آز تسلی بوله رق مسترح اولمشدی. و دادك اراده

ص-یراده بویله کوچوک کوچوک حکایه لر قارالادیغنی بیایردی فقط هر حالده بو
دفتری اکا اعاده ایتیه جکدی. اگر حقیقتاً بویله ایسه اونى بردها بویله شیلر
یازمقدن منع ایده جکدی. فکرینی زوجنه اظهار ایتمکدن چکینه دی و تمامیه
مستریخ اولقى ایچون بومضر شیئی یاقاجغنی سویله دی. کویا بونی یاققله و دادک
حیاتی زهرله یه بیان بوتون او احتمالات مصیبتی برطرف ایتمش اولاجقدی شمدی
اسماعیل سری بک اونک بوفکرینه کویور. و

— بکی. . دیوردی. بق، آل اونک حسیاننه مانع اولابیلسهک...

کزیده خانم، منفعل بر چهره ایله :

— سزده بی بوسبونون علولندیرمکمی ایستیورسکز؟ . . . دیوردی.

اوزمان اسماعیل سری بک قهقهه لرینی صالیورردی.

شمدی کزیده خانم دفترک پاپراقلرینی برر بر صوبایه آتمقله مشغول ایدی
آزاده برکزه قولاق قابار تارق قاپینی دیککیور و کیمسه نک کلدیکندن امین اولدقدن
صوکرانکرار مشغولیتنه عودت ایدیوردی. دفتر، صحیفه لری برر بر یاقیلارق
محو ایدلدی. آرتق کزیده خانم، بوتون بواسراری اورته دن قالدیرمش اولمقله
مظمن اولمشدی. کلدی، یرینه اوطوردی.

اسماعیل سری بک، اوندن ژولیده حقنده ایضاحات ایستیوردی او اکلاتدی:
ژولیده نک برقاشی، کوزی؛ دیزلرینه قدر دوکولن کورلپسقه صاچلری
واردیکه قادینلری بیله برکوروشده تسخیر و حیران ایدردی. کزیده خانم اونک
کوزلکی حقندکی مطالعاتی برابذال لسانایله آکلاتیرکن بوتون قابنده بوریلان
برعقده ایله :

— آمان براقک. . دیدی. قیزه عادتاً دشمن اولدوم. . .

(مابعدی وار)

ص

برنجی جلدک نهایتی

صاحب امتیاز: صالح سری